

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 37. stav (1) i 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 32. sjednici, održanoj dana 21.06.2024. godine, d o n o s i

ODLUKU

o usvajanju Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini

Član 1. (Predmet)

Usvaja se Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, "Subvencije-veterinarstvo", „namjenska sredstva“ u iznosu od 200.000,00 KM (slovima: dvijestotinehiljada konvertibilnih maraka), Budžeta Zeničko-dobojskog kantona za 2024. godinu („Službene novine Zeničko-dobojskog kantona", broj: 21/23) i čini sastavni dio ove odluke.

Član 2. (Način realizacije sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realizacije Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-20-11602/24
Datum, 21.06.2024. godine
Zenica

PREMIJER

Nezir Pivić

DOSTAVLJENO:

1x Ministarstvu za poljoprivredu,
šumarstvo i vodoprivredu,
1x Ministarstvu finansija,
1x „Službene novine Zeničko-dobojskog kantona“,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**



PROGRAM

utroška sredstava od prikupljenih veterinarskih naknada za mjere
zdravstvene zaštite životinja i veterinarskog javnog zdravstva
na području Zeničko-dobojskog kantona u 2024. godini

Zenica, jun 2024. godine

Podaci o Programu

Program je usvojen: na 32. sjednici Vlade Zeničko-dobojskog kantona održanoj 21.06.2024. godine.

Period realizacije Programa: Realizacija Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini (u daljem tekstu: Program)

Ukupna vrijednost Programa: 200.000,00 KM

Namjena Programa: Zdravstvena zaštita životinja i unapređenje veterinarskog javnog zdravstva.

Korisnici Programa: Registrovani subjekti u poslovanju sa hranom (u daljem tekstu: SPH), vlasnici životinja - fizička i pravna lica, Općine/Grad Zeničko-dobojskog kantona, laboratorijske ustanove, veterinarske organizacije, udruženja, pravna lica ovlaštena za uklanjanje leševa životinja i životinjskog otpada (u daljem tekstu: Korisnici)

Izvor sredstava: Namjenska sredstva u Budžetu Zeničko-dobojskog kantona u 2024 . godini, Ministarstvo za poljoprivredu, šumarstvo i vodoprivredu, "Subvencije-veterinarstvo"- namjenska sredstva, razdjel 23, budžetska organizacija 01, potrošačka jedinica 0001, ekonomski kod 614400, NAD 405, na osnovu Zakona o izvršavanju Budžeta Zeničko-dobojskog kantona za 2024. godinu ("Službene novine Zeničko- dobojskog kantona", broj: 21/23 i 4/24).

Odgovorna osoba: Jasmin Čajić, ministar

I NAZIV PROGRAMA

Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini, Subvencije - veterinarstvo", „namjenska sredstva“ razdjel 23, budžetska organizacija 01, potrošačka jedinica 0001, ekonomski kod 614 400, NAD 405.

II ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini sadržan je u odredbama člana 124. Zakona o veterinarstvu ("Službene novine Federacije BiH", broj: 46/00), Zakona o hrani („Službeni glasnik BiH“, broj: 50/04) i člana 24. Pravilnika o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12, 5/16 i 61/21), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24) kojim je utvrđeno da će se navedena sredstva koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini (u daljem tekstu: Program).

III IZVORI FINANSIRANJA I VISINA SREDSTAVA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 200.000,00 KM (slovima: dvijestotinehiljada konvertibilnih maraka).

IV AKTIVNOSTI I CILJEVI IZ PROGRAMA

Na osnovu epizootiološke situacije na području Zeničko-dobojskog kantona (u daljem tekstu: Kanton), kontinuiteta u provođenju preventivnih mjera zdravstvene zaštite životinja, usklađenosti subjekata u poslovanju sa hranom (u daljem tekstu: SPH) sa legislativom EU, stanja u pogledu higijenske i zdravstvene ispravnosti namirnica životinjskog porijekla (u daljem tekstu: NŽP) koje se proizvode na području Kantona i provođenje mjera zdravstvene zaštite životinja i unapređenje veterinarskog javnog zdravstva na području Kantona u 2022. godini, ovim Programom planira se provođenje slijedećih aktivnosti:

1. Sufinansiranje veterinarskog zdravstvenog pregleda na farmama za tov brojlera,
2. Sufinansiranje Implementacije standarda kod SPH (Program samokontrola, Haccp sistema)
3. Finansiranje troškova eutanazije i dezinfekcije,
4. Pomoć u provođenju Zakona o zaštiti i dobrobiti životinja
5. Klinički pregled pčelinjaka na Američku gnjiloću i finansiranje svjedodžbe o zdravstvenom stanju pčela,
6. Laboratorijsko ispitivanje uzoraka pčelinjeg legla na Američku gnjiloću,
7. Preventivna mjera pregleda mesa na prisustvo larvi *Trichinella spiralis*,

8. Dijagnostička ispitivanja životinja i službenih uzoraka po nalogu veterinarskog inspektora,
9. Nabavka veterinarske opreme i opremanje laboratorija veterinarskih organizacija,

1. **Sufinansiranje veterinarskog zdravstvenog pregleda na farmama za tov brojlera** - sufinansirati će se provođenje veterinarskog zdravstvenog pregleda na svim farmama za tov brojlera na području Zeničko-dobojskog kantona i nadoknada za izdatu grupnu svjedodžbu na farmama za tov brojlera Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu („Službene novine Federacije BiH“, broj: 33/03, 35/05, 6/15 i 45/15).

Cilj: svim registrovanim farmerima koji su u sistemu proizvodnje pilećeg mesa za komercijalno tržište osigurati antemortem pregled brojlera od farme do klaonice uz svjedodžbu o zdravstvenom stanju izdatu od nadležne veterinarske stanice.

2. Implementacija standarda kod SPH (Programa samokontrole, Haccp sistema)

- a. Implementacija Programa samokontrole - sprovodi se u svrhu uspostavljanja i provođenja planova samokontrole kod subjekata u poslovanju sa hranom životinjskog porijekla radi dostizanja visokog stepena higijenske i zdravstvene ispravnosti NŽP i sigurnosti potrošača. Planovi omogućavaju:
 - procjenu opasnosti i rizike, indentifikaciju i njihovo otklanjanje prije nastanka zdravstveno neispravnog proizvoda,
 - povećavaju svijest o zdravstvenoj sigurnosti proizvoda i sprečavanju bolesti uzrokovane zdravstveno neispravnim proizvodima,
 - dokumentovanje proizvodnog procesa i provedenih kontrola,
 - povećava povjerenje u zdravstvenu ispravnost i kvalitet proizvoda,
 - osigurava se zdravstvena ispravnost proizvoda u svim fazama, počevši od proizvodnje, transporta, distribucije, pripreme i konzumiranja proizvoda,
 - definiše individualnu odgovornost,
 - uspostavljanje propisanih kriterija sigurnosti hrane,
 - poslovanje prema važećoj BiH i EU legislativi.

Cilj: svi registrovani SPH na području Kantona trebaju imati uspostavljen i implementiran program samokontrola u skladu sa odredbama Zakona o hrani („Službeni glasnik BiH“, broj: 50/04), Pravilnikom o veterinarsko-zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“, broj: 4/13), Pravilnikom o organizaciji službenih kontrola proizvoda životinjskog porijekla namijenjenih ishrani ljudi (Službeni glasnik BiH“ broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“, broj: 87/08), Pravilnikom o maksimalno dozvoljenim količinama za određene kontaminante u hrani („Službeni glasnik BiH“, broj: 68/14), u odnosu na proces proizvodnje.

- b. Implementacija HACCP sistema kod SPH – svrha je uspostavljanje i implementiranje HACCP sistema kao obaveznog elementa za osiguranje visokog stepena sigurnosti u procesu proizvodnje zdravstveno ispravnih i sigurnih proizvoda u registrovanim objektima koji proizvode namirnice životinjskog porijekla i posjeduju veterinarski kontrolni broj. HACCP sistem obuhvata:
 - Analizu rizika,
 - Određivanje kritičnih kontrolnih tačaka,
 - Uspostavljanje zaštitnih mjera sa utvrđenim granicama za svaku kontrolnu tačku,
 - Uspostavljanje postupaka praćenja kritičnih kontrolnih tačaka,
 - Uspostavljanje korektivnih radnji koje se moraju poduzeti kada se utvrdi odstupanje,
 - Uspostavljanje postupaka kojima se potvrđuje da sistem ispravno funkcioniра,
 - Uspostavljanje učinkovitog vođenja evidencije prema dokumentima HACCP sistema.

Cilj: svi registrirani SPH na području Kantona moraju imati uspostavljen i implementiran HACCP sistem u skladu sa odredbama Zakona o hrani („Službeni glasnik BiH“, broj: 50/04), Pravilnikom o veterinarsko-zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“, broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih kontrola proizvoda životinjskog porijekla namijenjenih ishrani ljudi (Službeni glasnik BiH broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“, broj: 87/08) i Pravilnikom o maksimalno dozvoljenim količinama za određene kontaminante u hrani („Službeni glasnik BiH“, broj: 68/14), te na taj način osigurati proizvodnju namirnica životinjskog porijekla sa najvišim standardima zdravstvene ispravnosti.

- 3. Finansiranje troškova eutanazije i dezinfekcije-** svrha je sprječavanje, kontrola i suzbijanje zaraznih bolesti životinja, prvenstveno zoonoza i zaštita zdravlja ljudi, životinja i prirodnih resursa kao mogućih kontaminanata. Navedena mjera provodi se u skladu sa članom 46. Zakona o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje (Službene novine Federacije BiH“, broj: 98/12).

Cilj: eutanazirati i neškodljivo ukloniti sve bolesne životinje za koje nadležni inspektori narede tu mjeru, kroz finansiranje omogućiti što brže njeno provođenje kako bi se smanjilo vrijeme dispozicije.

- 4. Pomoć u provođenju Zakona o zaštiti i dobrobiti životinja** – Kao pomoć općinama/gradovima u provođenju mjera zbrinjavanja, zdravstvene zaštite i dobrobiti životinja koje su propisane odredbama člana 30. Zakona o zaštiti i dobrobiti životinja („Službeni glasnik BiH“, broj: 25/09) i odredbama člana 124. Zakona o veterinarstvu („Službene novine Federacije BiH“, broj: 46/00) kao mjere koje se finansiraju i iz Budžeta Kantona. Planirani iznos sredstava je 15.000,00 KM.

Cilj: osigurati uslove za smještaj većeg broja napuštenih životinja i smanjiti populaciju napuštenih životinja, osigurati bolje uslove za pružanje zdravstvene zaštite i njege životinja u prihvatilištima.

- 5. Klinički pregled pčelinjaka na Američku gnjiloću i finansiranje svjedodžbe o zdravstvenom stanju pčela** - svrha je otkrivanje, suzbijanje i iskorjenjivanje ove bolesti u pčelinjacima, kao uzrok propadanja pčelinjih zajednica. Klinički pregled i izdavanje svjedodžbe o zdravstvenom stanju pčela za seleće pčelare sprovodi ovlaštena veterinarska stanica u skladu sa Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu („Službene novine Federacije BiH“, broj:33/03, 35/05, 6/15 i 45/15).

Cilj: održati postojeći broj pčelinjaka sa tendencijom povećanja broja i organizovanja pčelarstva u vidu moderne i zdravstveno ispravne proizvodnje.

- 6. Laboratorijsko ispitivanje uzoraka pčelinjeg legla na Američku gnjiloću** – svrha je otkrivanje i suzbijanje zarazne bolesti Američka kuga pčelinjeg legla jer proizvodi velike ekonomske štete i ima negativan uticaj na pčelarstvo. Pravni osnov za provođenje ove mjere je član 124. Zakona o veterinarstvu („Službene novine Federacije BiH“, broj: 46/00).

- 7. Preventivna mjera pregleda mesa na prisustvo larvi Trichinella spiralis** - u svrhu zaštite zdravlja ljudi i životinja u svim slučajevima klanja svinja radi upotrebe mesa za ljudsku ishranu, izvršiti će se pregled mesa na prisustvo larvi Trichinella spiralis. Navedena mjera ima pravni osnov u Odluci o mjerama za suzbijanje i iskorjenjivanje trihineloze životinja („Službeni glasnik BiH“, broj 44/03), Pravilniku o načinu obavljanja pretrage na prisutnost trihinelu u mesu („Službeni glasnik BiH“, broj 56/11 i 4/13).

Cilj: Smanjiti opasnost od širenja bolesti trihinelozu na životinje i ljude.

- 8. Dijagnostička ispitivanja životinja i službenih uzoraka po nalogu veterinarskog inspektora i jačanje kapaciteta veterinarske inspekcije** – provodi se kada kantonalni veterinarski inspektor procijeni i utvrdi potrebnim dodatna službena uzorkovanja za ispitivanje higijenske i zdravstvene ispravnosti uzoraka hrane, uzoraka za dijagnostičke pretrage radi utvrđivanja prisustva zarazne bolesti životinja prvenstveno kod utvrđenog oboljenja ljudi. Navedena mjera ima pravni osnov u Zakonu o veterinarstvu („Službene novine Federacije BiH“, broj: 46/00), Zakona o hrani („Službeni glasnik BiH“, broj: 50/04), Pravilnikom o higijeni hrane („Službeni glasnik BiH“, broj: 4/13) i Pravilniku o mjerama kontrole Bruceloze kod malih preživača („Službeni glasnik BiH“, broj: 4/13) i u slučaju nabavke sredstava za rad veterinarske inspekcije prilikom obavljanja operativnih aktivnosti.

Cilj: Jačanje kapaciteta i tehničke opremljenosti Kantonalne veterinarske inspekcije.

- 9. Nabavka veterinarske opreme i opremanje laboratorija veterinarskih organizacija** - u svrhu jačanja tehničke opremljenosti veterinarskih organizacija sufinansiraće se nabavka veterinarske opreme i oprema laboratorija veterinarskih organizacija u iznosu do 30 % od ukupnog iznosa nabavke.

Cilj: unapređenje veterinarskog javnog zdravstva i efikasnije provođenje mjera zdravstvene zaštite životinja na području Zeničko-dobojskog kantona.

V KRITERIJI ZA ODOBRAVANJE SREDSTAVA

A. Opći kriteriji

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

- Korisnici moraju imati prebivalište, odnosno sjedište na području Zeničko - dobojskog kantona a SPH moraju posjedovati veterinarski kontrolni broj ili evidencijski broj,
- Korisnici ne smiju imati dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Korisnici ne mogu ostvariti pravo na finansiranje istih preventivnih mjera u koliko su to pravo ostvarili kod drugog kantonalnog ili federalnog organa,
- korisnici koji pored općih kriterija ispunjavaju i posebne kriterije propisane ovim Programom i Uputstvom o za ostvarivanje prava na isplatu sredstava iz Programa utroška sredstava Budžeta Zeničko-dobojskog kantona za zdravstvenu zaštitu životinja u 2022. godini i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2022. godini (u daljem tekstu: Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona,
- Životinje koje budu obuhvaćene mjerama iz ovog Programa zdravstvene zaštite moraju biti propisno obilježene i moraju biti upisane u jedinstveni registar domaćih životinja, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenje evidencija („Službene novine Federacije BiH“, broj: 87/07) i u skladu sa odredbama Pravilnika o označavanju i kontroli kretanja životinja u Bosni i Hercegovini („Službeni glasnik BiH“, broj: 13/10, 79/10, 25/11, 103/11 i 41/12, 52/15, 2/16 i 66/16).
- Veterinarske stanice mogu ostvariti pravo na sredstva za organizaciju i provođenje mjera samo na dodijeljenom području djelovanja u skladu sa Programom mjera zdravstvene zaštite životinja i njihovog provođenja u 2024. godini, Ureda za Veterinarstvo BiH.

B. Posebni kriteriji po planiranim aktivnostima iz Programa

- 1. Sufinasiiranje veterinarskog zdravstvenog pregleda na farmama za tov brojlera –** Provodi se u svrhu otkrivanja, sprečavanja suzbijanja bolesti na farmama za tov brojlera. Pregled provodi veterinar iz ovlaštene veterinarske stanice u skladu sa odredbama Programa mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20). Bolesti u peradarstvu mogu ugroziti zdravlje ljudi, izazvati velike ekonomske štete na farmama za tov peradi i proizvesti negativan uticaj na peradarsku proizvodnju. Pravni osnov je Zakon o veterinarstvu („Službene novine Federacije BiH“, broj: 46/00), i Program mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20). Planirani iznos sredstava je 35.000,00 KM.
- 2. Implementacija standarda kod SPH (Programa samokontrole, Haccp sistema) –** sufinasiraće se implementacija Programa samokontrole, Haccp i Halal standarda kod SPH koji posjeduju veterinarski kontrolni broj u iznosu do 2.000,00 KM za Programe samokontrola, HACCP sistema u iznosu do 3.000,00 KM. Planirani iznos sredstava je 15.000,00 KM.
- 3. Finansiranje troškova eutanazije i dezinfekcije -** vlasnicima životinja finansiraće se nastali troškovi veterinarskog rada prilikom mjere eutanazije bolesnih životinja i dezinfekcije u punom iznosu, kada veterinarski inspektor naredi eutanaziju i neškodljivo uklanjanje koje će obaviti nadležne veterinarske stanice sa područja Zeničko-dobojskog kantona. Planirani iznos sredstava je 10.000,00 KM.
- 4. Pomoć u provođenju Zakona o zaštiti i dobrobiti životinja -** Korisnici sredstava mogu ostvariti pravo na sredstva kao pomoć za izgradnju skloništima za životinje što se dokazuje vjerodostojnom urbanističkom saglasnošću ili građevinskom dozvolom za izgradnju prihvatilišta za napuštene životinje ili kao pomoć u funkcionisanju, unapređenju ili proširenju postojećih kapaciteta skloništa koja su u upotrebi, dostavljanjem dozvole o formiranju skloništa koja je izdata od nadležnog organa općine/grada. Planirani iznos je 50.000,00 KM.
- 5. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela –** klinički pregled svih pčelinjaka čiji vlasnici su prijavljeni u Zeničko-dobojskom kantonu i čiji pčelinjaci se nalaze na području Kantona, na prisustvo zarazne bolesti Američka gnjiloća pčelinjeg legla, u cilju sprečavanja velikih materijalnih šteta u pčelinjacima. Klinički pregled će provoditi nadležne veterinarske stanice. Uz klinički pregled pčelinjaka finansiraće se izdavanje svjedodžbe o zdravstvenom stanju pčela za sve seleće pčelare. Planirani iznos sredstava je 35.000,00 KM.
- 6. Laboratorijsko ispitivanje uzoraka pčelinjeg legla na Američku gnjiloću –** finansiraće se u punom iznosu dijagnostičko ispitivanje uzoraka pčelinjeg legla na prisustvo uzročnika Američke gnjiloće pčelinjeg legla, kada nadležna veterinarska stanica kliničkim pregledom utvrdi sumnju na prisustvo bolesti i uzorke dostavi ovlaštenoj akreditovanoj laboratoriji. Planirani iznos sredstava je 5.000,00 KM.
- 7. Preventivna mjera pregleda mesa na prisustvo larvi *Trichinella spiralis* –** finansiraće se preventivni pregled mesa domaćih svinja i mesa slobodno živuće divljači vlasnicima životinja na području Zeničko-dobojskog kantona radi zaštite zdravlja ljudi. Planirani iznos 10.000,00 KM.

- 8. Dijagnostička ispitivanja životinja i službenih uzoraka po nalogu veterinarskog inspektora i jačanje kapaciteta veterinarske inspekcije** – finansiraće se dijagnostička ispitivanja uzoraka uzetih od strane nadležnog veterinarskog inspektora Kantonalne uprave za inspekcijske poslove Zeničko-dobojskog kantona, kod sumnje na prisustvo zarazne bolesti životinja i kod ispitivanja zdravstvene ispravnosti hrane i hrane za životinje, tokom provođenja službenih kontrola. Sufinansira će se i nabavka sredstava za rad veterinarske inspekcije. Planirani iznos sredstava je 10.000,00 KM.
- 9. Nabavka veterinarske opreme i opremanje laboratorija veterinarskih organizacija** – finansiraće se nabavka nove veterinarske opreme i opreme za veterinarske laboratorije registrovanim veterinarskim organizacijama sa područja Zeničko-dobojskog kantona u iznosu do 7.000,00 KM po subjektu. Planirani iznos sredstava je 30.000,00 KM.

- *Tabelarni prikaz aktivnosti iz Programa*

R/B	Aktivnost	Iznos po KM/jedinici	Iznos u KM
1.	Sufinansiranje veterinarskog zdravstvenog pregleda na farmama za tov brojlera	do 30% od fiskalnog računa	35.000,00
2.	Implementacija standarda kod SPH (Programa samokontrole, Haccp sistema)	po fiskalnom računu	15.000,00
3.	Finansiranje troškova eutanazije i neškodljivog uklanjanja oboljelih životinja	po fiskalnom računu	10.000,00
4.	Pomoć u provođenju Zakona o zaštiti i dobrobiti životinja	po fiskalnom računu	50.000,00
5.	Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela	po fiskalnom računu	35.000,00
6.	Laboratorijsko ispitivanje uzoraka pčelinjeg legla na Američku gnjiloću	po fiskalnom računu	5.000,00
7.	Preventivna mjera pregleda mesa na prisustvo larvi <i>Trichinella spiralis</i>	po fiskalnom računu	10.000,00
8.	Dijagnostička ispitivanja životinja i službenih uzoraka po nalogu veterinarskog inspektora	po fiskalnom računu	10.000,00
9.	Nabavka veterinarske opreme i opremanje laboratorija veterinarskih organizacija	do 30% od fiskalnog računa	30.000,00
	UKUPNO :		200.000,00

Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jedne aktivnosti u drugu. Zbog mogućih nepredvidivih situacija u pogledu stanja i kretanja zaraznih bolesti životinja, moguća su preusmjeravanja već planiranih sredstava u druge neophodne mjere (aktivnosti).

VI KORISNICI SREDSTAVA

Korisnici sredstava su registrovani subjekti u poslovanju sa hranom, vlasnici životinja - fizička i pravna lica, općine/gradovi Zeničko-dobojskog kantona, laboratorijske-dijagnostičke ustanove, Veterinarske stanice, poljoprivredni proizvođači, pravna lica ovlaštena za uklanjanje leševa životinja i životinjskog otpada.

VII IZVJEŠTAVANJE

Korisnici programa za određene mjere i aktivnosti iz Programa dužne su izvjestiti Ministarstvo o utrošku sredstava na način kako će biti određeno pojedinačnim odlukama Vlade Kantona o odobravanju sredstava.

Broj: 02-20-11602/24
Datum, 21.06.2024. godine
Zenica

PREMIJER

Nezir Pivić

DOSTAVLJENO:

1x Ministarstvu za poljoprivredu
šumarstvo i vodoprivredu,
1x Ministarstvu finansija,
1x „Službene novine Zeničko-dobojskog kantona“,
1x a/a.